

節
序
日
考

分之曰雨水曰驚蟄天時迭運人事繼之
曰上元日中和又分其節目葢三百有六
旬有六日而節又繁矣亦可考而得也夫
竹中空所以爲通其節所以爲立節與節
若相間而循其序合衆節觀之則成一全
竹竹尙如此而況天地乎况人事乎

嘉慶丁丑六月十六日荀牖徐卓自序於

海棠書巢中

節序日考卷一目錄

春

華節

淑節

韶節

陽節

軟節

初節

楊柳節

芳菲節

春陽節

陽和節

發生辰

嘉辰

蘭時

芳時

立春節

奇遇日

雨水節

驚蟄節

春分節

震節

繁節

杏花節

艷陽節

桃李節

炊熟日

寒食節

冷節

百五節

禁烟節

熟食節

冷烟節

百日節

禁火日

藏烟日

清明節

小寒食

穀雨節

夏

炎節

暑節

長養節

朱明節

立夏節

西浦節

小滿節

農節

黃梅節

浴蚕節

芒種節

夏至節

朝節

養日

小暑節

大暑節

秋

素節

商節

秋節

爽節

景節

滋蘭日

霜辰

凄辰

蕭辰

九秋辰

立秋節

伏藏日

處暑節

白露節

秋分節

天香節

秋判日

西候日

大清明

寒露節

霜降節

授衣節

冬

慘節

嚴節

窮節

晚節

寒辰

冰霜辰

立冬節

小雪節

大雪節

小至日

冬至日

冬至節

觀雲節

履長節

書雲節

一陽節

做節

驗歲日

既復日

決復日

兆晴日

令辰

小寒節

大寒節

春節

愁苦節

暮節

節序日考卷一

休寧徐卓菑著

春

華節

梁元帝纂要春日華節

淑節

梁元帝纂要春日淑節

韶節

梁元帝纂要春日韶節

陽節

湛方生賦何陽節之清淑

軟節

曹毗正朝詩靈春散初澤芬溫青陽舒軟節暘宇宙和風被八區

初節

王氏彙苑初節卽初春也

楊柳節

韋承慶詩萬里邊城地三春楊柳節

芳菲節

田蛾攜手曲攜手共惜芳菲節鶯啼錦花滿城闕

春陽節

韋應物送郝詹事詩時屬春陽節草木已含英

陽和節

王維過章給事東山別業詩是時陽和節清晝猶未暄

發生辰

曹松望九衢春色詩自茲憐萬物同入發生辰

嘉辰

梁元帝纂要春辰曰嘉辰

蘭時

山堂肆考蘭時春時也

芳時

梁元帝纂要春時曰芳時良時

立春節

周天玉衡六問大寒後十五日斗指艮爲立春正月節
立始建也春炁始至故爲之立也

奇遇日

廣月令後集正月元日立春爲奇遇日

雨水節

周天玉衡六問立春後十五日斗指寅爲雨水二月中
雨水中氣雪散爲水也

雨去聲

卓攷歷書沿革漢初雨水爲二月節前漢之末以雨
水爲正月中

驚蟄節

孝經緯雨水十五日斗指甲爲驚蟄二月節蟄者蟄蟲
震驚起而出也

春分節

孝經緯驚蟄後十五日斗指卯爲春分二月中分者半也當九十日之半也故爲之分夏冬不言分言天地間二氣而已矣陽生於子極於午卽其中分也

震節

隸辨張遷碑二月震節

繁節

事文玉屑清風流繁節言繁華之時也

杏花節

唐詩杏花時節偏饒雨楊柳門墻易得春

豔陽節

溫庭筠小桃盛開詩二月豔陽節一枝惆悵紅

桃李節

月令廣義二月爲桃李節鮑照詩豔陽桃李節皎潔不成妍

炊熟日

歲時雜記冬至後一百三日爲炊熟日以將焚火先具饗飧也

寒食節

荆楚歲時記寒食無定日或二月或三月去冬至一百五日卽有疾風甚雨謂之寒食節

冷節

山堂肆考晉文公出亡子綏割腓股以啖公公復國子綏獨無所得作龍蛇之歌而隱公求之不得乃燔左右木子綏抱木而死公哀之令人是日不得舉火後人謂之冷節

百五節

荆楚歲時記寒食又謂之百五節

卓考冬至後一百六日爲清明寒食在清明前一日故荆楚歲時記又云百五節而月令精鈔乃云百六節誤矣

禁烟節

月令廣義晉文公哀子推之死禁烟三日節始於此

熟食節

月令廣義秦人呼冷食爲熟食節謂不動烟火預辦熟食過冷節也

冷烟節

荆楚歲時記齊人呼寒食爲冷烟節

百日節

王氏彙苑寒食爲百日節

禁火日

唐張說詩從來禁火日會接清明朝

藏烟日

劉筠詩黍盤交薦藏烟日

清明節

孝經緯春分後十五日斗指乙爲清明三月節萬物至此皆潔齊而清明矣

小寒食

杜律虞註小寒食在寒食前一日如冬之小至

卓攷小知錄云寒食次日謂之小寒食不載所據何書又攷輦下歲時記重陽後一日宴賞號小重陽據此則虞註定屬錯誤

穀雨節

孝經緯清明後十五日斗指辰爲穀雨三月中言雨生

百穀清淨明潔也

雨去聲

夏

炎節

梁元帝纂要夏節曰炎節

暑節

梁元帝纂要夏節曰暑節

長養節

荆楚歲時記夏乃長養之節在外行則恐傷草木蟲類
故九十日安居

朱明節

梁武帝首夏泛天池詩薄游朱明節泛漾天淵池

立夏節

孝經緯穀雨後十五日斗指巽爲立夏四月節言物至此皆假大也

西浦節

歲時瑣事立夏日徵江府西碧泉遊人如蟻俗稱爲西浦節

小滿節

孝經緯立夏後十五日斗指巳爲小滿四月中小滿者物長于此小得盈滿也

農節

月令廣義連陰盛農節言四月盛夏時也

黃梅節

繚湘對類四月黃梅節

浴蠶節

楊基詩浴蚕時節杜鵑哀

芒種節

孝經緯小滿後十五日斗指丙爲芒種五月節言有芒之穀可播種也

夏至節

孝經緯芒種後十五日斗指午爲夏至五月中言萬物於此假大而極至也

卓攷三禮義宗夏至有三義一以明陽氣之至極二以明是月乃陰氣之始至三以明日行之比至故曰至

朝節

遼史禮志夏至之日俗謂之朝節婦人進綵扇以粉脂
囊相贈遺

養日

夏小正五月時有養日養長也

小暑節

孝經緯夏至後十五日斗指丁爲小暑六月節

大暑節

孝經緯小暑後十五日斗指未爲大暑六月中小大者
就極熱之中分爲大小初後爲小望後爲大也

秋

素節

梁元帝纂要秋曰素節

商節

梁元帝纂要秋曰商節

秋節

月令廣義秋節節者時之屆也

爽節

虞世南賦觀四時之代謝感三秋之爽節月令廣義詩

云高風應爽節

景節

初學記金風扇景節

滋蘭曰

劉克莊詩清於楚客滋蘭曰

霜辰

梁元帝纂要秋辰曰霜辰

婁辰

梁元帝纂要秋辰曰婁辰

蕭辰

殷仲文九井詩哲匠感蕭辰註云秋辰蕭瑟也

九秋辰

許繼詩眷茲九秋辰

立秋節

孝經緯大暑後十五日斗指坤爲立秋七月節秋者孳也萬物於此孳歛也

伏藏日

編日新書立秋爲秋夏交會之辰金火伏藏之日

處暑節

孝經緯立秋後十五日斗指申爲處暑七月中言溽暑將退伏而潛處也 處上聲

白露節

孝經緯處暑後十五日斗指庚爲白露八月節言陰氣漸重露凝而白也

秋分節

孝經緯白露後十五日斗指酉爲秋分八月中旬陰生於午極於亥故酉其中分也仲月之節爲秋分秋爲陰

中陰陽適中故晝夜長短亦均焉

天香節

廣月令後集八月爲天香節

秋判日

雲笈七籤古人以秋分之日爲秋判之日所以爾者秋分之日乃會九天八地衆真人神上皇至尊三日三夕共定萬民之命所聚議者咸多而神尊並集故也

西候日

王勃詩王悲西候日杜詩西候別君初

大清明

閩小紀閩人以三月爲小清明八月爲大清明展墓無
或廢者

寒露節

孝經緯秋分後十五日斗指辛爲寒露九月節言露冷
寒而將欲凝結也

霜降節

孝經緯寒露後十五日斗指戌爲霜降九月中言烝肅
露凝結而爲霜矣

授衣節

蕭環貧士詩季秋授衣節荷裳竟不易

冬

榛節

事文玉屑榛節方崇秋冬時也

嚴節

梁元帝纂要冬節曰嚴節

窮節

席夔賦冬實窮節

晚節

月令廣義冬爲晚節

寒辰

梁元帝纂要冬時曰寒辰

冰霜辰

韋應物詩况復歲云暮凜凜冰霜辰

立冬節

孝經緯霜降後十五日斗指乾爲立冬十月節冬者終也萬物皆收藏也

小雪節

孝經緯立冬後十五日斗指亥爲小雪十月中天地積陰溫則爲雨寒則爲雪時言小者寒未深而雪尙未大也

大雪節

孝經緯小雪後十五日斗指壬爲大雪十一月節言積陰爲雪至此栗烈而大矣

小至日

老學庵筆記冬至前一日爲小至

冬住日

老學庵筆記冬至前一日又曰冬住

冬至節

孝經緯大雪後十五日斗指子爲冬至十一月申陰極而陽始至日南至漸長至也

卓攷孝經說冬至有三義一者陰極之至二者陽氣始至三者日行南至

觀雲節

縹緗對類冬至日爲觀雲節

履長節

歲時瑣事十一月冬至武定人稱爲履長節

書雲節

曹伯啟冬至道中詩窮途恰值書雲節秫酒糠燈語夜

闌

一陽節

曹植表一陽佳節復卦正義冬至一陽生

做節

武林舊事冬至朝廷大會慶賀並元正儀都人最重一

陽賀冬九街車馬詣廟炷香罷市三日垂簾飲博名曰
做節

驗歲日

廣月令十一月冬至爲驗歲日淮南子曰以冬至日數
至來年正月朔日恰五十日者民食不乏亦不剩不滿
五十日者減一升過五十日者盈一升最驗

既復日

廣月令後集十一月長至在望前爲既復日

決復日

廣月令後集十一月十五後冬至爲決復日

兆晴日

廣月令後集十一月二十八九晴臘月雨雪輕爲兆晴日

令辰

古占書以朔日冬至爲令辰

小寒節

孝經緯冬至後十五日斗指癸爲小寒十二月節陽極陰生乃爲寒今月初寒尙小也

大寒節

孝經緯小寒後十五日斗指丑爲大寒十二月中至此
栗烈極矣

春節

月令廣義烏蠻國以臘月爲春節豎長竿橫設一木左
右各一人以互相起落爲戲

愁苦節

鮑照詩北風十二月雪下如亂巾實是愁苦節惆悵憶
雙親

暮節

梁元帝纂要十二月爲暮節

節序日考卷二目錄

正月

三元節

天臘節

天中節

雲開節

天慶節

上正三節

壽聖節

開基節

天基節

人勝節

長寧節

上元節

艷節

傳柑節

正燈節

收燈節

燕九節

填倉節

聖壽節

補天節

千春節

醵聚節

二月

天正節

中和節

催花節

迎富節

花朝節

春龍節

踏青節

踏草節

花節

挑菜節

芳春節

三令節

景村節

降聖節

貞元節

桃杏節

高麗上元節

長春節

嘉會節

天和節

三月

萬春節

上巳節

修禊節

兔射節

高昌節

火州節

長養節

百五節

永壽節

四月

天禎節

天祺節

天祥節

清和節

浴佛節

大舖節

壽崇節

乾會節

同天節

乾龍節

乾元節

天休節

五月

女兒節

重四節

端陽節

天中節

忠孝節

解粽節

浴蘭節

蒲黍節

泛蒲節

龍歌節

艾節

地臘節

追節

應天節

車馱節

龍節

壽慶節

天申節

分龍節

六月

荔枝節

天貺節

慶陽節

啟聖節

壽昌節

會慶節

觀蓮節

火節

火把節

節序日考卷二

休寧徐卓荀編著

正月

三元節

廣月令後集正月初一日爲三元節蓋日之元月之元歲之元也

天臘節

道書正月一日爲天臘節

天中節

道書正月一日天中節會之辰獻壽之日

雲開節

岳陽風土記岳州自元日獻歲隣里宴飲相慶至十二日始罷謂元日爲雲開節

天慶節

宋史禮志大中祥符元年詔以正月三日天書降日爲天慶節休假五日兩京諸路州府軍監前七日建道場設醮斷屠宰節日士庶特令宴樂京師燃燈

上正三節

田家五行上正三節正月初三日也尊歲首故稱上或曰彼中呼爲姪正三蓋夏建寅正也

壽聖節

宋史正月三日宋英宗生爲壽聖節

開基節

宋史禮志正月四日有太祖神御之州府宮殿行香爲

開基節

卓攷太祖於是日受禪故立開基節

天基節

宋史開禧元年正月癸亥生於虹橋里第寶慶元年詔以生日爲天基節

卓攷是年正月己未朔癸亥則五日也是日宋理宗生

人勝節

廣月令正月初七日爲人勝節月令廣義云人日之勝傳自漢魏迄晉劉臻妻陳氏益飾花勝之巧上人勝於人

長寧節

酺聚節

荆楚歲時記正月三十日酺聚飲食士女泛舟或臨水宴樂每月皆有晦以正月初晦時俗重之以爲節

二月

天正節

道書二月一日爲天正節

中和節

舊唐書貞元五年正月乙卯詔四序佳辰歷代增置漢崇上巳晉紀重陽或說禳除雖因舊俗與衆共樂咸合

當時朕以春方發生候及仲月句萌畢達天地和同俾其昭蘇宜助暢茂自今宜以二月一日爲中和節以代正月晦日備三令節數內外官司休假一日

催花節

留青集二月初一日爲催花節

迎富節

圖經梧州容縣有迎富亭俗以二月初二日爲節宕渠之地每歲二月初二日郡人從太守出郊名曰迎富

花朝節

翰墨大全二月二日洛陽風俗以爲花朝節

卓案宣州志二月十五日爲花朝節村民以五穀瓜果種相遺謂之獻生

春龍節

歲時瑣事二月朔日爲中和節唐時爲金錢會今人但以二日爲春龍節

踏青節

壺中贅錄閩中風俗以二月二日爲踏青節

踏草節

壺中贅錄蜀中以二月二日爲踏草節

花節

留青集二月初二日爲花節

挑菜節

張耒集二月二日挑菜節大雨不能出因作詩秦中記
二月二日曲江拾菜遊觀甚盛

芳春節

道經二月八日爲芳春節五晨大道君登玉霄琳房四
盼天下

三令節

留青集二月初九日爲三令節

景村節

雅州志景自芳雅州人以二月十二日作寒食至今里人號景村寒食節

降聖節

舊唐書武宗敕二月十五日元元皇帝降生宜爲降聖節
休假一日

貞元節

續巨堅志忻州九龍岡上天慶觀老君殿尊像極高是
神人所塑每歲二月十五日道家號貞元節是日有鶴
來會多至數十少亦不絕一二翔舞壇殿之上良久乃
去元好問二月十五日鶴詩九龍岡上元元祠人言尊
像神所遺年年二月降靈鶴來無定數有定期

桃杏節

節
縹緗對類二月十五日爲花朝桃杏盛開故謂之桃杏

高麗上元節

宋史外國傳高麗國二月十五日僧俗燃燈如中國上元節

長春節

長編唐明宗丁亥二月十六日宋太祖生於洛陽夾馬營是夕神光照室胞如菡萏異香馥郁宋史禮志建隆元年羣臣請以二月十六日爲長春節

嘉會節

舊唐書咸通八年二月二十二日照宗生於東內以爲嘉會節昭宗懿宗第七子

卓攷天中記三月二十二日唐昭宗生以爲嘉會節
龍紀元年羣臣賀表曰因社鳴而正位逢井旅以樂
推值清明馭氣之時當仁壽悅隨之始固可年同鶴
算歲比山呼云云與舊唐書異然據社鳴清明而論
當是二月二十二日天中記或是傳寫之訛

天和節

天中記二月二十八日晉高祖生馮導等表曰斗柄正
卯律吹仲春當帝王出震之方是天地同和之日請以
二月二十八日爲天和節從之

三月

萬春節

金史金世宗三月初一日生爲萬春節

上巳節

翰林志唐德宗以三月三日爲上巳令節

修袂節

劉克壯詞修袂節晉人風味終然別謂三月三日也

兔射節

燕北雜志三月三日以木雕爲兔分朋走馬射之先中

者勝其負朋下馬奉朋人酒勝朋於馬上接盞飲之番
呼此節爲陶哀化陶哀是兔化是射

高昌節

高昌行紀高昌國用開皇七年曆以三月九日爲寒食
節

火州節

通志火州以三月九日爲寒食節俗戲樂以壓陽氣

長春節

金史金宣宗以三月十三日生爲長春節

卓攷史不載日興元三年三月己卯長春節免朝賀
是月爲丁卯朔則己卯爲十三日

百五節

廣月令三月十五日爲百五節

永壽節

遼史遼興宗以三月二十三日生爲永壽節

卓攷玉海周太祖七月二十八日生亦名永壽節

四月

天禎節

宋史禮志天禧初詔以大中祥符元年四月一日天書再降內中功德閣爲天禎節

天祺節

宋史禮志四月一日天書再降爲天禎節尋以仁宗嫌名改爲天祺節

天祥節

宋史真宗天禧元年詔以四月旦日爲天祥節

清和節

歲時記四月朔爲清和節

浴佛節

佛運統志四月八日爲浴佛節

大舖節

廣月令天竺以四月八日爲大舖節

壽崇節

三朝野史四月八日爲謝太后壽崇節

乾會節

宋史度宗諱禘嘉熙四年四月初九生於紹興府榮邸
先母夢日光照東室又夢神人采衣擁一龍納懷中已

而有娠及生室有赤光資識內慧七歲言言合度理宗
奇之景定五年詔以生日爲乾會節

同天節

宋史慶曆八年四月戊寅神宗生於濮王宮祥光照室
羣鼠吐五色氣成雲治平四年以四月十日詔爲同天
節

乾龍節

天中記宋欽宗生於靖康元年四月十三日太宰徐處
仁等請以是日爲乾龍節百官詣龍德宮上壽

乾元節

宋史大中祥符三年四月十四日仁宗生乾興元年以生日爲乾元節

天休節

道書四月二十八日上元星官下降爲天休節

五月

女兒節

宛署記燕都自五月初一日至五日飾小閨女盡態極妍已出嫁之女亦各歸寧俗呼是日爲女兒節

卓攷帝京景物畧九月九日父母家必迎女歸寧食
花糕亦曰女兒節

重四節

温州府志平陽江南於五月初四日做節謂之重四節

端陽節

月令廣義五月五日爲端陽節

天中節

提要錄五月五日午時爲天中節王曾帖子明朝知是

天中節旋刻菖蒲要辟邪

忠孝節

廣月令屈原曹娥以五月初五日投江俗以是日爲忠孝節

解粽節

荆楚歲時記京師以端午爲解粽節

浴蘭節

荆楚歲時記俗謂屈原五月五日投汨羅人傷其死是日命舟楫拯之極異輕利謂之飛鳧一以爲水軍一以爲水馬土人悉臨水觀之至今爲競渡之戲謂之浴蘭

節

蒲黍節

縹緗對類五月初五日爲蒲黍節

泛蒲節

縹緗對類五月初五日爲泛蒲節

龍歌節

初學記龍歌令節蛟食芳辰謂端午也

卓攷李德裕寒食日三殿侍宴詩宛轉龍歌節參差

燕羽高似龍歌節又指寒食矣

艾節

繚細對類五月五日爲艾節

地臘節

留青集五月初五日爲地臘節

追節

歲時瑣事五月五日父母以巾扇等物餽女家謂之追節

卓攷神隱書九月九日餽糕酒亦謂之追節

應天節

唐書咸通三年五月初八日僖宗生於東內以是日爲
應天節懿宗第五子初封晉王名儼

寧覬節

宋史禮志政和三年以五月十二日祭方澤日爲寧覬
節

龍節

月令廣義五月十三日爲龍節

壽慶節

宋史理宗以五月十六日爲皇太后壽慶節

天中節

湖海新聞洪皓買一妾東平人偕其母來曾侍明節劉
后言韋后初生高宗時夢金甲神人自稱錢武肅王即
錢鏐也年八十一高宗亦八十一卜都錢塘事非偶然
建炎元年以五月二十一日爲天中節詔寢上壽禮畢
羣臣稱賀吳芾表云華渚呈祥預紀有開之慶薰風從
律或逢載夙之辰

分龍節

圖經池州俗以五月二十九日爲分龍節月令廣義三

十日亦爲分龍節與二十九日同遇雨主大水

六月

荔枝節

夜航船史稱楊貴妃六月朔日生廣人以此日爲荔枝節

天貺節

宋史真宗大中祥符四年詔以六月六日天書再降日爲天貺節

慶陽節

舊唐書中書奏六月十二日皇帝載誕之辰請以其日
爲慶陽節

卓攷天中記云六月十一日唐武帝生於東宮以爲
慶陽節武帝穆宗第五子據此與舊唐書畧異然當
以史爲正

啟聖節

天中記晉少帝於六月二十一日生馮導等表曰大電
繞樞哲后繼蕪農之運五星聚井真人啟文景之基昌
圖永治於千年嘉兆宜光於載誕當大雨時行之日乃

常星不見之辰請以六月二十一日爲啟聖節使地角天涯望南山而祝壽九州四海仰北極以傾心從之

壽昌節

天中記唐宣宗以六月二十二日生於大明宮以是日爲壽昌節宣宗憲宗第十三子

會慶節

玉海孝宗以六月二十二日爲會慶節元年紫宸殿上壽陳良祐因會慶節擬唐太宗事百二十條議其當否目曰會慶萬年金鑑錄上之

卓考宋史禮志孝宗以十月二十二日爲會慶節

觀蓮節

緝柳編六月二十四日爲觀蓮節內觀日疏六月念四日爲觀蓮節鼃采與其夫各以蓮子饋遺爲歡

火節

譚叢溟省風俗每歲六月二十八日各家俱束葦爲藁高七八尺凡兩樹置門首遇夜炳燎其光燭天又用生肉切膾調以醯蒜不加烹飪名曰剝生總稱曰火節問其故謂弔忠臣王禕也蓋禕受命入溟說元梁王降王

反殺禕醢其肉若爾則炳彘可也奚忍食生爲耶夫楚人競渡弔屈也晉人禁烟傷介也皆有不忍之意焉禕被醢而滇俗剝生毋乃倒置乎

火把節

做帚齋餘談今滇中以六月二十八日爲火把節是日人家縛菱蘆高七八尺置門外蒸之至夜火光燭天用牲肉細縷如膾和以鹽醢生食之間其原起則是日爲洪武間遣待制王忠文禕說梁王不從爲其所醢以此立節但攷忠文被害在十二月二十四改爲六月亦猶

介推以五月五日亡今移之清明古今傳訛不少矣